



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

12 Benedictio novarum frugum ex ritu antiquo fuit.

urn:nbn:de:hbz:466:1-10316

fimo ritu, ut trad. S. Ambros. in sermone de mysteriis Paschæ, c. 5. & Conc. Tolet. 4. c. 8.

¹² Benedictio novatum frugum ex ritu antiquo à presbyteris fiebat, ut apud sanctum Hieronymum in *Ezechielem*, c. 24. ubi primitiae ciborum nostrorum sacerdotibus offeruntur, ut nihil gustemus novarū frugum, nisi quod sacerdos ante gustaverit, hoc autem facimus, ut reponat sacerdos oblationem nostram in domo sua, sive ut ad prædicationem suā Dominus benedicat dominis nostris. Grandis est dignitas sacerdotum, sed grandis ruina, si peccavent, & Genebrard. in *Psalmi*: 150. nū. 4. ait, Videamus, Apostolos retinuisse dedicaciones, templa, choros, vota, aquam lustralē, benedictiones sacerdotū, vestes, genuflexiones, ordines ecclesiasticos, decimas, primicias, processiones, visitationes sacram̄um ædiuin. & locorum, manuum expansiones, festa Pentecostes, Paschatis, sublato victimarum usu, quæ per Christi cruentum abrogata sunt, & de pluribus aliis benedictionibus ex ritu antiquo tradit Matſil. in ead. sec. 2. cap. 2. nū. 7, usque ad num. 27.

¹³ Sacerdotes inter alia † benedicunt aquas sale conspersas, cuius benedictionis institutor fuit S. Matthæus Apostolus, & Evangelista, ut refert S. Clemens Romanus in lib. 8. *Apostolicarum constitutio-*num, cap. 35. & Franc. Turia. in sua transla-tione, cap. 29. tradit de aqua, & oleo: Ego Matthæus constituo, ut benedicat Episcopus aquam, aut oleum; si vero non aderit, benedicat presbyter, praesertim diacono. Cum autem Episcopus aderit, assistant presbyter, & diaconus: dicat autem in hunc modum, Domine Sabaoth, Deus virtutum, creator aquarum, & olei

largitor, miserator, & amator hominum, qui dedisti aquam ad bibendum, & ablendum, & oleum ad exhilarandum faciem in exultationem læticiæ, ipse etiam nunc sanctifica per Christum hanc aquam, & oleum, ex nomine ejus, qui obtulit, vel quæ obtulit, & tribue ei vim sanandi, & depellendi morbum, fugandi dæmones, & expellendi insidias, per Christum spem nostram, cum quo tibi gloria, honor, & cultus, ac sancto Spiritu in secula. Amen. Matſil. sec. 2. cap. 2. nū. 49, 50, 51, & 54. & fuit postea constitutio Matthæi innovata, ut constat ex epistola S. Alexandri Rom. Pont. mart. ejus nominis primi, & à beato Petro quinti, qui ita scripsit, aquam, sale conspersam populis benedicimus, ut ea cuncti asperli sanctificantur, & purificantur: quod & omnibus sacerdotibus faciendum esse mandamus. Nam, si cinis vitulæ sanguine aspersus populum sanctificabat, atque mandabat, multò magis aqua sale aspersa, divinisque precibus sacrata. Et, si sale asperlo per Eliæum Prophetam sterilitas aquæ sanata est, quantò magis divinis precibus sacram sal sterilitatem rerum auferret humanarum? Coinquinatos enim sanctificat, mundat, purgat, cætera bona multipliat, insidiasque diaboli avertit, & àphantasmatum veritatis homines defen-dit, ut in epist. 1, quam scripsit omnibus orthodoxis, ut in tomo 1. conc. 1. & 5. & cap. aquam sale, de consecr. dist. 3.

¹⁴ Conficitur † aqua benedicta per septem invocationes mysticas divini nominis. Prima est, Adjutorium nostrum. Secunda: Exorcizo te creatura salis. Tertia: Invocamus te Domine. Quarta: Exorcizo te creatura aquæ. Quinta: dum dicitur, qui ad salutem humani generis. Sexta: Cum sal

in.

